


# ნიუნუნი

5 83



ნ. ლ. ლუბანი

— რატომ მაჩერებთ? ახლაც იტყვიტ ჩემზე, საფუხარ საათებზე  
დატვირთული არ არისო?

**მთელი** დღის ნაჯაფარ ცოლ-ქმარს ღრმად ჩასძინებოდა. არც ისე გვიანი იყო. ეძინათ ტკბილად და იქნებოდნენ ასე კარგა ხანს, რომ კაჟონას მხრიდან მოსულ წვილ-კვილის ხმას არ გამოეყვანა ისინი ძილქუშიდან. თითქოს ამ წუთს ელოდნენო, ერთდროულად ცქვიტეს ყურები ორთავემ. უფრო და უფრო მატულობდა წვილ-კვილი, თითქოსდა, ახლოვდებოდა კიდევ... აივანზე გავიდნენ. სხვებსაც გაეგოთ უბედურების ზარი და აივანებსა და ეზოებში გამოფენილიყვნენ. ზოგი ქუჩაშიც გამოსულიყო. იყო გადაძახილ-გადმოძახილი. ვერ გაეგოთ, საიდან მოდიოდა კვილის ხმა: ერთხანს ყველაზე ხანდაზმულ პელო ბებოზეც მიიტანეს ეჭვი, მაგრამ ისევ უარყვეს — ამდენი დამტირებელი ვინ ეყოლებო?!. ამ დროს ერთმა მეზობელმა დაიძახა, ანიკოს გოგო მოუტაცია ვიღაც ფილოლოგსო... წამით საშარისებური სიჩუმე ჩამოვარდა. მალე კი თანაგრძობის გჟომბხატველი სიტყვებით გაისმა: „საწყალი ანიკო!“, „ნატანჯი ქალი!“, „რა წვალეებით გამოზრდილი შვილი!“, „რადღე უნდა სიცოცხლე?“, „როგორ ჩამწარდა ყველაფერი!“, „ვინ დაწყველა საცოდავი?“, და ა. შ.

— ხვალ მივიდეთ, ანი მაინც რაღას ვუშველით! — უთხრა ცოლმა ქმარს და დასაძინებლად ოთახში შებრუნდნენ.  
— ერთი ის ფანჯარა მიხურე, თუ კაცი ხარ, შემცივდა რა ღაცს...

— ფანჯარას კი მივხურავ, მაგრამ საწყალ ანიკოს რა ეშველება?! როგორ დაექცა ოჯახი!..  
— რას უზამენ, ნეტავ, იმ ბიჭს?! დაიჭერენ, ალბათ!  
— ანი რაღა უნდა უქნან?! აქამდე უნდა დაეჭირათ, თუ ასე გადარეული იყო!  
— გადარეული კი არა, კაცი ის ყოფილა, ექიმი გოგო ჩაიგდო ხელში! ბედი რომ არა აქვს ადამიანს!.. აგერ რა დაემართა მაცვალას, მეტყვევ იწინისრის ცოლია პედიატრი ქალი!  
— ელმირას ქმარი რომ ფსიქიატრი ყოფილა, ხომ იცი?!  
— აკი, ქირურგიო?!  
— მასე მეგონა მეც! კატუშამ ჩამოიტანა ამბავი ჭიათურიდან, ჩემი თვალთ ვინახე, ფსიქიატრიო!..  
— დალუპულა და ეგ არის! ყელ-ყურის ექიმს ინუნებდა გაჭირვებული..  
ნევროპათოლოგი არ ჰყავდა დაუნებელი თუ?! მე რომ მკითხო, ტყუილად ინუნებენ ნევროპათოლოგს! რა წააგო ღამამ რამ, ცალკე დასახლდა, მანქანას წიდულობსო..  
— ლამარას რა უჭირს? გასტროენტეროლოგია თუ რაღაცაა, თვითონაც ექიმი და ექიმს გაჰყვა, იმას რა ეშველება, რა ჰქვია... ტატიანას, სანთლით რომ დაეჭებდა გინეკოლოგ რძალს და კბილის ექიმი რომ შერჩა!..  
— რა ვიცი, სამედიცინო ინსტიტუტის წინ და საავადმყოფო

### საორტსმენი ცოლი

ცოლი მყავსო, მე უნდა ვთქვა! — ო, რა ძალის პატრონი! ერთად სცემა სამ მეზობელს: ნინოს, ქეთოს, მატრონიას!.. დამჯაბნა და დამიძონა, სცენებს მინყობს იმისთანებს.. ერთხელ, სხვისას რომ მიმბეგვა, შინ საკაცით მიმიტანეს!.. თუმცა, ჩემზე ახი არის, მის ნებაზე რომ გავეშვი! გასაქანსაც აღარ მაძლევს და ჩამავდო ნოკდაუში!.. მარტო კრივი როდი იცის, ეხერხება სარმაც, კვანტიც!.. არ დამრთავენ ნებას, თორემ საჭიდაოდ გავიყვანდი! ძიუდოს და თავისუფალს კარგადაც ფლობს, რაც მიცდია!.. ჩემთან ჩსუბში, თუ დასჭირდა, მშვენიერი სამბისტია! ერთხელ ხელი მომიგრხნა, იატაკზე მაფართხალა!.. დაუძახა მეზობლებს და მთელ დღეს ენა ატარტალა!.. სადილისთვის მე ვფაცურებ, ის აკეთებს „მიკლავს“ „განმკლავს“!..  
ქათამი რომ არ დავეკლა, ალბათ, ქათამივით დამკლავს!.. შინ ხელფასი როცა მიმაქვს, გადამიშლის ფიანდაზებს!.. გადავწყვიტე, გავაგზავნი ხალხთა სპარტაკიადაზე!

3ან-ცინე

### მამაკაცების საყურადღებოდ!

ყოველი 8 მარტის წინ ბევრი მითქმა-მოთქმა იმის შესახებ, თუ როგორ მიველოცოთ ქალებს თავიანთი დღესასწაული. მეც ბევრი ვიფიქრე ამ საკითხზე და, ცოლის გულის გასახარად, მოვიგონე შესანიშნავი რამ. თქვენც გავიზიარებთ, იქნებ, ჭკუაში დაგიჯდეთ ჩემი რჩევა და ჩანაფიქრი!  
რვა მარტამდე, ჩუმად ცოლმა რომ არ გაიგოს, მამასისხლად უნდა იყიდოთ დუბლიონკა, ლაიკის პალტო, პლატფორმები, უცნოური ლაბადა, იაპონური ქოლგა, დეზებიანი ჩექმები, ძვირფასი შარფი, მარგალიტისთელიანი ბეჭდები და სამაჯური, ყურზე და ყელზე ჩამოსაკიდი სამკაულები (არ დაგავიწყდეთ ნარბ-ნამნამების ტუში, ქუთუთოების „ტენი“ და თმის საღებავებიც!) ყოველთვის ნინალამით, შეუმჩნევლად უნდა შეანყოთ კარადში! რვა მარტს, დღით, გაალეთ კარადა და ხმამალა, ამაყად და პათეტიკურად ნარმოთქვით: ძვირფასო მეუღლე! (კარგია, მამის სახელითაც თუ მიმართავთ!) გილოცავ ქალთა დღესასწაულს!  
ცოლიც, გახარებული და აღფრთოვანებული, თან მოულოდნელობისგან გაკვირვებული, მოვა, გაკოცებთ და გმტყვი: გმადლობ, ჩემო ძვირფასო!  
აი, ასე, სრულიად უბრალოდ და უწვავლელად გაახარებთ ცოლის გულს!

3. გურული

ნ.ხ. ტინ ტინასი (ესტონეთი)



— ნუთუ, ეს ყველაფერი ჩემია?!

ფობეში კი აღამებდა და ათენებდა, თურმე!.. მოატყუეს სა-  
წყალი!

— როგორ თუ მოატყუეს?! რამ მოატყუა ამ ხნის ქალი,  
ხუთი თერაპევტი, სამი პედიატრი, რვა ნევროპათოლოგი და ოთ-  
ხი კარდიოლოგი ჰყავდა დაწუნებული!

— მაგას არ გეუბნები, ზოგს რა ბედი აქვს და ზოგს რა —  
მეთქი! აგერ ჩვენმა დათუშამ ძლივს დაამთავრა სასოფლო და  
ვენეროლოგი ჰყავს ცოლად. ხვეტავს თურმე ის დალოცვილი  
ფულს!..

— ისე, როგორია ნეტა შესახედავად ის ფილოლოგია თუ რა-  
ღაცა ჯანდაბაა, როგორი ჭირისუფალი ჰყავს?

— ვის რაში უნდა მაგის ტან-ფეხი და ჭირსაც წაუღია მა-  
გის ჭირისუფალი! ეს ოჯახი კი დააქცია და!..

— ცოტა დაცხა! მგონია! გამოალე პატარაზე ის ფანჯარა  
და დავიძინოთ აწი, თორემ გათენდება საცაა.

— ამოუნყდეს ოჯახი იმ ავაზაკს, როგორ მოუკიდა ცეცხლი  
ამ ხალხს!..

ე, დაიძინე ახლა, ადრე მინც ავდგეთ და მივიდეთ!..

— რა უნდა ვუთხრათ, რით უნდა ვანუგეშოთ გაჭირვებულნი?!

— დაიძინე, დაიძინე!.. საცაა, გათენდება!..

### ნოვადი ბართანია

— გამარჯობათ, ქალბატონო!.. ბავ-  
შვი მინდა მოვიყვანო თქვენს ბაღში!..

— დიდი სიამოვნებით!.. დაბრძან-  
დით, დაბრძანდით!.. რაო, რა ბრძა-  
ნეთ?!

— ბავშვი მინდა მოვიყვანო თქვენს  
ბაღში!..

— სასიამოვნოა, ბატონო, სასია-  
მოვნო!.. იცით, რა? ჩვენი ბაღი ძა-  
ლიან გადატვირთულია, ადგილები  
რამდენი ხანია შეივსო!..

— მესმის, ქალბატონო! არა მარტო  
თქვენი ბაღი, ნებისმიერი ბაღი გა-  
დატვირთულია ქალაქში!.. გთხოვთ,  
გავგინიოთ ანგარიში!..

— სამწუხაროდ, არაფერი შეგვიძ-  
ლია!.. სად გყავდათ აქამდე ბავშვი?

— ასოთხმოცდამეორე ბაგა-ბაღში!

— მერე, გყავდეთ მანდ! რას ერჩით?! მშვენიერი  
ბაგა-ბაღია, კოლექტივი კარგი ჰყავს, ეზოც კარგი  
აქვს!..

— კი, ქალბატონო, არც მაგ ბაგა-ბაღს ვემდური,  
არც მის კოლექტივსა და ეზოს, მაგრამ საცხოვრებ-  
ლად გადმოვდივარ აქეთ და ჩემთვის ძალიან ხელსაყ-  
რელია თქვენი ბაღი, როგორც კოლექტივით, ისე  
ეზოთიც!.. ამიტომ დავიჭირე თადარიგი!..

— ეს რა თადარიგის დაჭერაა?!.. ხალხი წლობი:  
დგას რიგში! რა ხნის არის თქვენი ბავშვი?

— სამის!

— ოო, მაგ ასაკის ბავშვების მიღება ძალიან გვი-  
ჭირს!..

— ქალბატონო, მე ეს და ეს კაცი ვარ!.. სხვებს ვუწ-  
ყობ ბაღში ბავშვებს!..

— ვიცით, ბატონო, განა ვერ გიცანით! ხან ტელე-  
ვიზორში გიყურებთ, ხან რადიოთი გისმენთ, პრესა-  
საც ვადევნებთ თვალ-ყურს, თქვენი წიგნებიცა გვაქვს!

## ვინ რას აპოვებს სიყვარულსა

● **გამყიდველი:** სიყვარულს არჩევა და კარგად იყონდა  
წონვა უნდა!

● **მზარეული:** სიყვარული თუ კარგად არ შეკმაზე, ისე  
გემო არ ექნება!

● **მსახიობი:** სიყვარულს კარგი სცენა და თავბრულამხვე-  
ვი ტაში სჭირდება!

● **მოცეკვავე:** სიყვარულს ფრთხილად, ფეხის წვერებით  
უნდა შემოუარო!

● **მეზღვაური:** სიყვარული ზღვაა, ვინც ცურვა არ იცის,  
სიღებრი ასწავლის ბაყაყურს!

● **გადაწყიდველი:** სიყვარულს მალე უნდა, იმპორტული  
საქონელივით!

● **მეთევზე:** სიყვარული კარგად მოქსოვილი ბადით თუ  
არ დაიჭირე, გაგისხლტება!

● **თვალის ექიმი:** სიყვარული ბრმაა, ზოგჯერ ისეთ ვინმეს  
მიადგება, მისი ღირსი რომ არ არის!

● **მონადირე:** სიყვარულს ზუსტად უნდა დამინება!

● **მძღოლი:** სიყვარული, როგორც კი დაქოქავ, იმ წუთში  
უნდა ჩააგდო სიჩქარეში, თორემ ადგილიდან აღარ დაიმკრება!

### ალექსანდრე გიორგობიანი

სხვათა შორის, ძალიან მომწონს  
თქვენი იუმორისტული მოთხრობები,  
საოცრად მახვილი ენა გაქვთ! ვაი  
იმას, ვინც თქვენს ყბაში ჩავარდება!..

— მერე, ქალბატონო, თუ ასე მიც-  
ნობთ, თუ ასე მაფასებთ, გამინიეთ  
ანგარიში, მიიღეთ ჩემი ბავშვი თქვენს  
ბაღში!..

— კი, ბატონო, ძალიან სასიამოვნოა,  
კარგადაც გიცნობთ და დიდ პა-  
ტივისაც გცემთ, მაგრამ ძალიან გა-  
დატვირთული ვართ, თანაც ჩვენ  
ასე არ ვიღებთ ბაღში ბავშვებს!..

— აბა, როგორ იღებთ, ქალბატონო,  
ამისხენით, იქნებ ვიღონოთ რა-  
მე?!

— უნდა დაარეკვინოთ ვინმეს, ან  
უნდა მოიყვანოთ!..

— ქალბატონო, ქუჩაში მეგობარი მელოდება,  
ლუდზე უნდა წავიყვანო!.. შემოვიყვან ბარემ!..

— შემოვიყვანეთ!

— თუმცა... წვერი რომ არა აქვს გაპარსული?!

— არა უშავს, ვინ უყურებს მაგის წვერს?!

— ქალბატონო, იქნებ სჯობდეს, დავარეკინო ქუ-  
ჩიდან?!

— თქვენი ნებაა!

— ქალბატონო, ორკაპიკიანი ხომ არ გექნებათ?

— ვნახოთ, თუ მაქვს... ათკაპიკიანს მოგცემთ!..

ქუჩიდან თუ ვერ დარეკა, აქ შემოვიყვანე და საექიმო  
კაბინეტიდან დამირეკოს, მესამე ოთახია, მარჯ-  
ვნივ!..

— გმადლობთ, ქალბატონო!..

### ბასა ბეზია





„შეჯიბრი აქვთ მხენელ-მთესველებს!“ — ეს სტრიქონი, ნაღმართული, გამახსენდა! — ჩვენთანაც ხომ შეჯიბრია გამართული..

შეჯიბრი აქვთ სხვანაირი — ჩემს მეზობლებს, ნათესაებს, შრომის ოფლი არ ჩამოსდით, არც ხნავენ და არც თესავენ!..

— „ალო! ალო! გესმის, ალა?! სასიკვდილემ, აგერ, ნუცამ, ო, რა სპალნა მოიტანა! შენ რა ჰქენი?! ჩაგეფუშა?!“

— „გეკადრება?! მოდი, ნახე! — შენი ნუცა რას მოიტანს იმისთანას, მე რომ გუშინ მოვიტანე საწყობიდან!“

— „ალო! ალო! სად ხარ, ქალო?! მოდი, ნახე, მოკვდი ბრაზით! — აგერ ეკამ იმპორტული მოიტანა უნიტაზი!“

— „უნიტაზი?! იმისთანას სად იშოვის ეკა, ნეტავ, მე რომ მიდგას!.. მის უკეთესს რას ნახავ და რას შეხედავ?!“

— „ალო! ალო! გესმის, ანა?! დაკურეკავ და გავჯორავ! — შენთვის უნდა მოეტანათ, მიუტანეს მინადორას!“

— „არა, არა, რასა ბრძანებთ, გმადლობთ, ჩემზე რომ იზრუნეთ! სანამ მაგას მიუტანდნენ, მე ვნახე და დავიუნე!“

— „ალო, ნინო! გაგიგია?! რომ იცოდეთ, ალბათ, მოთხრით! — ძლიერ მიკვირს, თქვენ არ გაქვთ და მას გამოჰყავს... ოცდაოთხი!“

— „როგორ ბედავს?! ალბათ მივა საქმე ცხვირის დანაყვამდე! მაგის ქმარი შიშით კვდება ჩემი ქმარის დანახვაზე!“

ალო, მართა!.. ალო, ეკა!.. მოიშორეთ თვალზე ლიბრი! — ზევით, ქვევით, აქ და ყველგან ღრღინს ქვეყანას ცოლთშეჯიბრი!

შოთა როყვა  
(ქ. ბათუმი)

**ქანამედროვე კომფორტა-**  
ბელური ბინის საძინებელი ოთახი. კედლის საათი 12-ს აჩვენებს. სანოლში ნამომჯდარი, წინაღობის სმისგან სახეშეშუპებული, თავნაკრული, თეთრკანიანი ოტელო მრისხანედ იმზირება.

— დეზდემონა! სად არის ჩემი ჯინსები?!

— ქიმშენდაში ნავილე, ვაჟბატონო! ნუხელისაც ოთხით მობრძანდი!

— დუბლიონკა?!

— საერთოდ არ მოგყოლია!

— ოჰ, წყეულიმც იყავ, შექსპირო! რა ჩემდა ჭირად მოიგონე ეს თარსი დეზდემონა?! პირდაპირ საინფარქტო ინფორმაცია უნდა მაჯახოს ყოველ პახმელიაზე!

— შენმა მზემ! საექსპორტო „ბორჯომს“ მოგართმევდი ლოგინში! პადუმაქმ?! ღამის ორ საათამდე არ მობრძანდება, ლოდინში ღამე უნდა ვტეხო, დილის 6-ზე კიდევ ის უნამუსო კასიოს კნეინა მირეკავს, ჩემი ქმარი თქვენსას ხომ არ ინვა ნუხელისო! ნარმოგიდგენია?! იაგომ მითხრა, ერთად სვამდნენ და, ალბათ, მერე თავისთან წაიყვანდაო. მე ვუთხარი, ლოთი და ბასიაკი ჩემი ქმარიც მეყოფა, ისლა მაკლია, სხვისი ქმრებიც მე ავიკიდო მოსავლელად, აქ ვიტრუზვიტელი ხომ არა გგონია მეთქი?! იმან კიდევ, იცი, რა მაკადრა? ოხ, სუფთა გოიმი ვარ, შენ რომ გამოგყვეი!.. (დეზდემონა ერთხანს გაჩუმდა).

— რაო, ბოლო-ბოლო, ამოღერღავ თუ არა?!

— რაო და... ოჰ, რატომ არ გაუხმება ის უსირცხვილო ენა! სწორი



## ოჯალო და დეზდემონა

ხარ, ჩემო დეზდემონაო, მითხრა, მთვრალი კასიო რაში გამოგადგებოდა ღამითო. აი, რა მითხრა! (სახეზე სათუთად მოვლილ ხელებს აიფარებს და ოტელოს ნაჩუქარ ცხვირსახოცს ცრემლებით ალბობს).

— მაგას მე მოვუვლი! ისე კი ღირსი ხარ, დეზდემონა, მაგ სიტყვებისა! ღირსი ხარ-მეთქი! შენ კარგად იცი, რამდენი მიზის ეს ტელეფონი და ჩემი ძმაკაცების ცოლებს მაინც ეგრე ნაგლად ელაპარაკები?!

— მაშ, შენ არაფრად მიგაჩნია ჩემი გაპაზორება?! (ასლუკუნდება).

— მოვუვლი-მეთქი, აკი გითხარი!

— რისი მომვლელი შენა ხარ, ნეტავ?! საკუთარი ტანსაცმლისთვის ვერ მოგივლია!..

სიბრაზისაგან გაცეცხლებული ოტელო „კოსმოსს“ გააბოლებს. დეზდემონა ფანჯარას ალებს და ნახევრად გადასწევს ფარდას.

ივანი ჯახუა

ნახ. მ. აბაშიძისა



სარგამარტო სადღერძელო



უსიტყვოდ



უსიტყვოდ

### თუ გადავრჩები, ნეტავი?!

გახულ წელს ცოლი შევირთე!  
 ცამ სიხარული მოთოვა!..  
 „დუბლიონკა“ და „ტროიკა“  
 მეორე დღესვე მომთხოვა!  
 გამააჩნურებს, მიმბეგვავს, —  
 უსიტყვოდ გავიღურსები! —  
 დამთავრებული ჰქონია,  
 თურმე, კარატეს კურსები!  
 ახლა საყურე მინდაო,  
 ათგრამიანი, ოქროსი!  
 სხვა სიგარეტებს იწუნებს, —  
 უნდა მივართვა „კოსმოსი“!  
 ხად გაიზარდა ასეთი  
 პრეტენზიული, დიდგული?!  
 დღეს ჭიჭურ გამომიცხადა: —  
 მიყიდე თეთრი „უიგული“!  
 ერთი სოფლელი ბიჭი ვარ,  
 ჩემს გაჭირვებას მიხვდებით! —  
 მამამისს არ მოუცია  
 ერთი კაპიკის მწითელი!  
 გთხოვთ, მიპასუხოთ, რადგანაც  
 ასეთი ბედი მეახლა:  
 თუ გადავრჩები, ნეტავი,  
 რომ გავათხოვო ხელახლა?!

პრ. არშელი

### შ ე კ ი თ ხ ვ ა

ოცნი რ ლ ის მანძილზე სამკედრო-სასიცოცხლოდ ვებრძოდი ჩემს ქმარს — ლენჯუა არაყიშვილს — ლვინისა და სიგარეტისათვის რომ თავი დაენებებინა! ოცნილიანი უკომპრომისო ბრძოლა ჩემი ტრიუმფალური გამარჯვებით დაგვირგვინდა: ჩემი მეუღლე არც სვამს და არც ეწევა! მართალია, ამ გამარჯვებაში ლენჯუს ინფარქტებმაც შემეწყო ხელი, მაგრამ ეს ანგარიშში ჩასაგდები არ გახლავთ.

ახლა მე თქვენ გეკითხებით: მეკუთვნის თუ არა გმირი ცოლის წოდება ოცწლიან ლვინისმღვრელ ბრძოლაში დამახასოურებელი გამარჯვებისათვის?

ბარადი ოშიაძე

### გია და მზიკუნა

იყო და არა იყო რა, ამის უკეთესი რა იქნებოდა, იყო გია და მზიკუნა.

გიას და მზიკუნას უყვარდათ ერთმანეთი.

გია და მზიკუნა ერთმანეთს ყოველდღე ზღაპრებს უყვებოდნენ.

გიას და მზიკუნას თავიანთი გზა ჰქონდათ ცხოვრებაში და იმ გზას მიჰყვებოდნენ.

გიამ და მზიკუნამ იცოდნენ, რომ ბრიყვები იყვნენ ჭკვიანები და ჭკვიანები ბრიყვდებოდნენ.

გიას და მზიკუნას უყვარდათ ერთმანეთი:

გიას — გია და მზიკუნას — მზიკუნა;  
 და, რადგან გიას უყვარდა და მზიკუნას — მზიკუნა,  
 გიას და მზიკუნას უყვარდათ გია და მზიკუნა.

იყო და არა იყო რა, ამის უკეთესი რა იქნებოდა, იყო გია და მზიკუნა.

ბარი-პურბაღა

ნახ. ი. ყინაშვილისა



უსიტყვოდ

ვინატრე:  
16 წლისა გავთხოვილიყავი!  
გავთხოვდი!  
გავთხოვების შემდეგ ქმარს საზღვარგარეთ მოგზაურობაში გავეშვი! —  
გამიშვა!  
საზღვარგარეთიდან წამომელო ჯინსის შარვლები, ტყავის პალტოები და სხვა მოდური ტანსაცმელი! —  
წამოვიღე!  
ბავშვი გამეჩინა! —  
გავაჩინე!  
ბავშვის გაზრდა დედაჩემისთვის დამეკისრებინა! —  
დავაკისრე!  
ქმარი კარგ დიასახლისად აღმეზარდა! —  
აღვზარდე!  
ქმრის მშობლები ხელზე მოსამსახურეებად მექცია! —  
ვაქციე!  
კონიაკისა და შამპანურის სმა და სიგარეტის წევა დამეწყა! —  
დავიწყე!  
სხვის ქმრებზე მენადირა! —  
ვინადირე!  
ბოლოს, ამ მიღწევების შემდეგ ვინატრე, ნადირობის ქალღმერთი დალი, ან სილამაზის ქალღმერთი აფროდიტე გავეზდარიყავი! —  
მეც არ მომიკვდე, არ გამომივიდა!

ნატოს ნატვა ჩაიწერა  
აკაკი ძაპუნიძემ

ქალაქ ზინათურის ავტოსადგურის შენობაში სახურავიდან წყალი ჩამოდის, გამეფებულია ანტისანიტარია, ადგილი აქვს რეისების ჩაშლის შემთხვევებს — სწერდნენ რედაქციას.  
სახალხო დემუტატთა საქალაქო საბჭოს აღმასკომიდან გვაცნობეს, რომ წერილში აღნიშნული ფაქტები სინამდვილეა. ამჟამად სადგურის სახურავი შეკეთებულია, მიმდებარე ტერიტორია — დასუფთავებული, რეისის ჩაშლის შემთხვევაში მარშრუტზე იგზავნება სარეზერვო ავტობუსი.  
ქალაქში შენდება ავტოსადგურის ახალი შენობა, რომლის დამთავრება გათვალისწინებულია მიმდინარე წელს.

რედაქციაში გამოგზავნილ წერილში აღნიშნავდნენ მდინარე წყალწითელას დაბინძურების ფაქტებს.  
ტყიბულის სახალხო დემუტატების საქალაქო საბჭოს აღმასკომიდან მოგვეწერეს, რომ წერილი, ძირითადად, სინამდვილეს შეეფერება: ხრესილის ხილკენკროვანი ღვინოების ქარხანას არა აქვს გამწმენდი ნაგებობა. წყალი, ნარჩენებთან ერთად, ჩაედინება მდინარე წყალწითელაში.

აღნიშნული საკითხი გასული წლის სექტემბერში ვანიხილა საქალაქო საბჭოს აღმასკომმა და მიიღო შესაბამისი გადაწყვეტილება გამწმენდი ნაგებობის მშენებლობის შესახებ.

კურსების გრანტიტის ქარხანას უკვე გაუკეთდა ნახშირი წყლების გამწმენდი ნაგებობა. მიღებულია, აგრეთვე, ზომები სხვა, მცირე წარმადობის გრანტიტის ქვის

## ნაჩილაბის

## კვლდაკვალ

სამაქროებიდან მდინარე წყალწითელას დაბინძურების აღსაკვეთად.

დუშეთის რაიონის სოფელ აშის მცხოვრებნი თავიანთ წერილში ითხოვდნენ სასოფლო გზების შეკეთებას, სასმელი წყლის გაყვანას, მაღაზიის გახსნას.  
სახალხო დემუტატთა რაიონსაბჭოს აღმასკომმა რედაქციას აცნობა, რომ სოფელ აშის მიმართულებით გზის შეკეთება-კეთილმოწყობის სამუშაოებს აწარმოებს საქართველოს სსრ სასოფლო მშენებლობის სამინისტროს №1 ტრესტის მეცხეთის სამშენებლო-სარემონტო სამმართველო. ეს სამუშაო მიმდინარე წელს დამთავრდება. წელსვე დაიწყება წყალსადენის გაყვანა.  
აღმასკომმა რაიკომპაკვირის დაევალა სოფელ აშში სასურსათო და პირველი მოთხოვნილების საქონლის მაღაზიის გახსნა.

სასოფლო გზების შეკეთების საკურონებაზე რედაქციას მოსწერეს, აგრეთვე,

რეთვე, ამბროლაურის რაიონის სოფელ სხარტალიდან.

სახალხო დემუტატთა რაიონსაბჭოს აღმასკომიდან გვაცნობეს, რომ სოფელ სხარტალში მისასვლელი გზის შეკეთება გათვალისწინებულია 1983 წლისათვის ხოტევის სასოფლო საბჭოს თანხებით და კოლმეურნეობის მონაწილეობით. ხოტევის ავტომატური სატელეფონო სადგურის ექსპლუატაციაში გაშვებით მოგვარდება აგრეთვე სოფელ სხარტალის ტელეფონის ხაზის საქმეც.

სოფლის კეთილმოწყობისა და მოსახლეობის საყოფაცხოვრებო მომსახურების გაუმჯობესების საჭიროებაზე რედაქციას მოსწერეს საგარეჯოს რაიონის სოფელ დუზაგრაშიდან.

სახალხო დემუტატთა რაიონსაბჭოს აღმასკომიდან გვაცნობეს, რომ წერილში მოყვანილი ფაქტები მთლიანად სინამდვილეს შეეფერება.

საგზაო საწარმოო უბანს (უფროსი — შ. ქურბული) დაევალა, 1983 წლის პირველ ნახევარში შეაკეთოს ბაღიაურ-იორმულანლოს ცენტრალური გზის დაზიანებული მონაკვეთი და კამიტალურად შეაკეთოს ხიდი მდინარე იორზე. სოფლის შიდა გზების პერიოდულად შეკეთება დაევალოს იორის სანერგე მეურნეობას.

იორის საბჭოთა მეურნეობის ხელმძღვანელობას დაევალა, უმოკლეს ვადაში შეადგინოს სოფლის აბანოს სარემონტო სამუშაოების ხარჯთაღრიცხვა, ხოლო შეკეთება დამთავრდეს 1983 წლის პირველ ნახევარში.

რა ფასი აქვს

ამისთანა

ქორწილს?!



ჯერ დასხდნენ და ჩამონერეს სია — ძალზე გრძელი, მათი, ვისაც ეს ოჯახი დიდ ქორწილში ელის. არ დატოვეს თითქმის არეინ, იცნობდნენ კი ვისაც! ამოდენა ხალხი ერთად, დე, მივიდეს მტრისას! — ამხანავი სკოლის, ეზოს, რესტორნის თუ ბაზრის, ბიცოლების ნათლიები, ქვისლის დების მახლი, ყვავი-ჩხიკვის მაშიდები, ძმისშვილები მათი! სინაური, გარეული და მოყვრები მოყვრის, ოჯახს ვისი მობრძანებაც სიამაყეს მოჰგვრის!.. კარს მოადგა გასულ შაბათს მონეულთა ჯარი, მასპინძლებთან, მეზობლებთან ფაციფუცი არის! იმდენია მექორწილე, „როთქუც“ ველარ დათვლი! ნაცნობს მაინც ვერ მიაგნებ, რომც ეძებო სანთლით! მტერ-მოყვარე გაარჩიო, არის ძალზე ძნელი, გრძელი სეფა გვერდება ბოროდინოს ველი!.. არეულა ერთმანეთში სიმღერა და ცეკვა!.. იქვე, გვერდით, თამაშობენ „აჩკოსა“ და „სეკას“. არის კარტის ტყლაშუნი და რახარუხი ნარდის!.. ოცდაათი მერიქიფე გაოფლილი დარბის!.. დგას თექვსმეტი თამადა და ჭიმავს ყელის ძარღვებს, მიკროფონის ღრიალი კი სივრცეს ხევს და არღვევს!.. აქეთ ისმის „ოი, ნანა“, იქით — „ტურფავ, ტურფავ!“ ვილაც ყვინთავს საციფში და ნითელ თვალებს ქუფრავს!.. თამადა რომ წინაპართა აქებს წესს და ქცევას, უყურებენ და ელიან, როდის ნაიქცევა!.. ვისლა ახსოვს პატარძალი?! ვისლა ახსოვს ნეფე?! სეფის ზემოთ ყაყანია, ქვეშ ძალღბი ყეფენ!.. გადამთვრალი მეზობლებით სახე არის ეზო და ისეთი ქაოსია, ძალღი პატრონს ვერ ცნობს! სვამენ ყანნით, კათხით, ჯამით, ლამპის შუპით, ვაზით!.. მერიქიფე სტუმრებს ახრჩობს, მასპინძელს კლავს ბრაზი!.. შემწვარი და მოხრაკული მოაქეთ მსუყედ, ჭარბად! — იმდენია, მთელ არმიას ეყოფოდა, ალბათ! დახვავებულ ხორაგისგან სუფრა იზნიქება და ოჯახის მისამართით ყალბი ისმის ქება!.. ვუცქერ მიბმულ მაგიდებს და არ ვუჯერებ თვალებს: ამდენ საჭმელს, ამდენ სასმელს ვინ შეჭამს და დალევს?! ღვინომ ჩხუბის საღერღელიც აუშალა ხალხს, ჭრელს, ოცი კაცი მიბეგვეს და ათი მძიმედ დაჭრეს!.. ყვირილი და ჩოჩქოლია!.. იგინება ვილაც!.. ნივის, კივის ქალი, კაცი! ვინ თმას იგლეჯს, ვინ — ღანვს!.. აირია ყველაფერი, გადბრუნდა სეფა!.. პატარძალი ბედს ინყველის, ნეფე — დაბადებას!.. შავ წყალს მიაქვს მთელი ხარჯი — პური, ღვინო, ხორცი!.. მეგობრებო, რა ფასი აქვს ამისთანა ქორწილს?!

ვანო ცინცაძე

# რაიონურში!


„ქალბატონი არა“

„ქედგაღლური“, „უხეხი“, „თვითდაჯერაბული“, „მტრული“ — გაზატი „კრისჩანე სანიანე მონიტორის“ ცნობით, ასე ახასიათებენ გაერთიანებული ერების ორგანიზაციის შტაბ-ბინაში აკრედიტებული დიპლომატები გაერთიანებული ერების ორგანიზაციაში ამერიკის შეერთებული შტატების წარმომადგენლის ქალბატონ ჯინ კირკპატრიკის ქცევის მანერას. მას ერთ-სულთნად შეარქვეს „ქალბატონი არა“. ყურადღებას მიაპყრობენ აგრეთვე მის საოცარ გაუთვითცნობიერებლობას საგარეო საქმეებში. თუმცა ეს სულაც არ უშლის ხელს ქალბატონ კირკპატრიკს ატაროს პაროფესორის, პოლიტიკურ მენეჯერაბათა სპეციალისტის წოდება, რის შესახებაც, წარს გაზატი, მას ძალიან უყვარს სოლმე შესხვება.

## მაცდუნებელი პრივილეგია

კანადის გაზატი „სიტინჯანი“ იუნყება, რომ ინგლისში კანადის ელჩს — ქალბატონ ჯინ უოლს დიდი პატივი მიაგვს: მიანიჭეს ლონდონის საპატიო მოქალაქის წოდება. ეს ტიტული მთელ რიგ პრივილეგიას აძლევს მის მფლობელს, მათ შორის, უფლებას — აძოვოს ცხვარი ლონდონში და გადარეკოს ფარა ლონდონის ხიდზე, ისარგებლოს თავშესაფრით, თუ ამ ტიტულის მფლობელი საარსებო სახსრებს დაკარგავს. მის მცირე-წლოვან შვილებს უფლება ეძლევათ, ისწავლონ რჩეულთა სკოლებში. იმ შემთხვევაში, თუ საპატიო მოქალაქე, როგორც ეს აღნიშნულია უფლებათა ნუსხაში, ცეცხლს ნაუკიდებს ლონდონის დოკებს, ჩაიდენს მუსხანათური ლალატის აქტს, მას მაინც რჩება პრივილეგია — ჩამოსწრჩოვილ იქნას... აბრეშუმის თოქით!..

ჟურნალი „ნოვოა ვრეშია“



ნ.ხ. ელბარ ვალტარისა (ესტონეთი)



83-267



სატირისა და იუმორის კორ-  
ნალი „ნიანგი“ №5 (1638)  
მარტი. გამოდის 1923 წ.  
იენისიდან.

მთავარი რედაქტორი  
ზაურ ბილაშვილი

სარედაქციო კოლეგია:

ჭაბუკა ამირეჯიბი, ნომადი  
ბართია, ბორის გურგუ-  
ლია, ნოდარ დუმბაძე, რე-  
ვან თვარაძე, ჭემალ ლო-  
ლუა, ნოდარ მალაზონია  
(მხატვარი - რედაქტორი),  
ალექსანდრე სამსონია, ბე-  
ჟან სინარულიძე (პასუხის-  
მგებელი მდივანი), გიგლა  
ფირცხალავა, ჯანსუღ ჩარ-  
კვიანი, თამაზ წიგწივაძე,  
ვაჟა ჭანიშვილი (მთავარი  
რედ. მოადგილე). ნაფი ჭუ-  
ხოთი.

ტექნიკური რედაქტორი  
მიხეილ კუხალაშვილი


გადაეცა ასაწყობად 8. 2.  
83 წ. ხელმოწერილია და-  
საბეჭდად 14. 3. 83 წ. ქა-  
ლალის ზომა 60X90<sup>1</sup>/<sub>2</sub>  
ფიზიკური ნაბეჭდი ფურცე-  
ლი, 1,25, სააორიცხვო-საგა-  
მომცემლო თაბახი 1,7. სა-  
ქართელოს კბ ცკ-ის გა-  
მომცემლობა, ლენინის, 14.  
შეკვეთა № 381 უე 00029  
ტირაჟი 136.000. ქურნალი  
გამოდის თვეში ორჯერ.  
რედაქციაში შემოსული მა-  
სალები ავტორებს არ უბ-  
რუნდებათ.

ჩვენი მისამართი: 880008.  
თბილისი-8 რუსთაველის  
პროსპექტი № 42.

ტელეფონები: მთავარი  
რედაქტორის — 99-55-54,  
მთ. რედ. მოადგილის —  
93-19-42, პ/მგ მდივნის —  
93-10-78, მხატვარი-რედაქ-  
ტორის — 99-02-38, გან-  
ყოფილებათა გამგეების —  
93-49-32, რედაქტორ-ლიტ-  
მუშაკების — 99-02-38,  
მდივანი - მემანქანის —  
99-76-69.

Сатирико - юмористиче-  
ский журнал «НИАНГИ»  
(На грузинском языке)  
Тбилиси, пр. Руставели  
№ 42. Издательство ЦК  
КП Грузии, Типография  
издательства ЦК КП  
Грузии, Тбилиси, улица  
Ленина № 14.

ფასი 20 კაპიკი  
ინდექსი 76137



ახლო აღმოსავლეთი

„საზიზი უმუშევარი“

ნახ. ზ. ლომიძის